



A: Bosna i Hercegovina
Federacija Bosne i Hercegovine
Ženičko-dobojski kanton
OPĆINA TEŠANJ
Trg Alije Izetbegovića 11, 74260 Tešanj

Datum: 17.09.2012. godine

Z A P I S N I K

sastavljen dana 17. septembra 2012. godine na sastanku održanom u sali Općinskog vijeća Tešanj.

Sastanak je organiziran na temu:

- mogućnost postavljanja pragova na rijeci Usori u cilju poboljšanja vodosnadbijevanja,
- uticaj potencijalnih zagađivača na kvalitet vode u rijeci Usori ("Dević" doo Teslić)

Sastanku su prisustvovali:

1. Predstavnici „Agencije za vodno područje rijeke Save „- dir. Sead Delić, Vilić Nedžad i Alagić Enes,
2. Predstavnici JP „RAD“ d.d. Tešanj-Himzo Bošnjak i Indir Kapić,
3. Nurudin Tahirović (inspektor) i Sabahudin Omerbašić (službenik za razvojne projekte),
4. Predstavnici Službe za finansije i ekonomiju Haška Hundur i Hamzalija Hojkurić.

Učešće u raspravi su uzeli svi učesnici.

Predstavnici Agencije prisutne su upoznali sa problemima u eksploataciji šljunka. Podržali su aktivnosti Općine Tešanj na akcijama poduzetim na suzbijanju bespravne eksploatacije šljunka i iskazali svoju spremnost za podršku u svim ovim aktivnostima jer su svjesni naših potreba za korištenjem voda rijeke Usore za potrebe vodosnadbijevanja.

Također su upoznali prisutne sa tokom aktivnosti na izradi Glavnog projekta uređenja korita rijeke Usore. Konstatovano je da je zahtjev za postavljanje pragova 3 i 8, koji je svojevremeno podnesen Agenciji, odbijen zbog loše projektne dokumentacije u kojoj su proračuni bili pogrešni. Agencija navodi da je postavljanje pragova rizično zbog mogućnosti plavljenja, te je ocjenjeno da rješenje po ovom pitanju ne moraju nužno biti pragovi nego neko rješenje koje će sačuvati prohodnost i pojačati infiltraciju vode u podzemlje prema bunarima. Procjena je da glavni projekt u najmanju ruku mora predvidjeti da se ne smiju narušiti postojeći izvori, a za očekivati je da predložena rješenja i poboljšaju stanje.

U raspravi oko pragova na rijeci Usori postavljeno je pitanje adekvatne uključenosti predstavnika Općine u pripremu projektnog zadatka i daljeg učešća u projektovanju a u cilju iznalaženja rješenja kojim bi se poboljšalo napajanje bunareva za vodosnadbijevanje.

Predstavnici Agencije jedan primjerak projekta pragova na rijeci Usori su preuzeli.

Što se tiče rasprave o nedavnom zagađenju rijeke Usore, predstavnici Agencije su istakli da u slučaju bilo kakvog zagađenja, Agencija na prijavu reaguje na način da daje nalog za uzorkovanje vode i u tom slučaju snosi troškove analize.

Na osnovu rasprave zaključeno je :

1. Agencija će provjeriti do kojeg nivoa razrade je završen glavni projekt uređenja korita rijeke Usore.

Rok: 26.09.2012.

2. Predstavnici Rad-a (Himzo B.) i Općine (Sabahudin O.) trebaju provjeriti šta se to treba dodati projektnom zadatku za izradu glavnog projekta. Rok: 26.09.2012.

3. Nakon ovih provjera predložen je ponovni zajednički sastanak 28.09.2012. u Tešnju u vezi izmjena i dopuna glavnog projekta.

Dostavljeno:

1. Prisutnim 1-4,
2. Općinski načelnik,
3. Zavod za vodoprivredu Sarajevo,
4. a/a

POMOĆNIK OPĆINSKOG NAČELNIKA

Hamzaliya Hojkurić, dipl.ecc.